

# Qishloq hayoti

ЎЗБЕКИСТОН RESPUBLIKASI IJTIMOY-IQTISODIY GAZETASI

1974-yil 1-yanvardan chiqqan boshlagan

2023-yil 2-mart, payshanba

№ 9 (9225)-son

e-mail: infoqishloqhayoti@yandex.ru @Qishloqhayoti\_gazetasi

## Ўзбекистон Республикаси Президентининг ФАРМОНИ

### 2022-2026 йилларга мўлжалланган янги Ўзбекистоннинг тараққиёт стратегиясини “Инсонга эътибор ва сифатли таълим йили” да амалга оширишга оид давлат дастури тўғрисида

2022–2026 йилларга мўлжалланган Янги Ўзбекистоннинг тараққиёт стратегияси ҳамда Ўзбекистон Республикаси Президентининг Олий Мажлиси ва Ўзбекистон халқига Мурожаатномасида белгиланган вазифаларга мувофиқ аҳолининг ҳаёт даражасини янада юксалтириш, таълим сифатини илгор халқро стандартларга мувофиқлаштириш, барқарор иқтисодий ўсишга эришиш ҳамда камбағалликни қисқартириш борасидаги ислохотларимизни янги босқичга олиб чиқиш мақсадида:

1. Жамоатчилигимиз ва халқимиз билан кенг муҳокамаларда билдирилган тақдирлар асосида ишлаб чиқилган **2022–2026 йилларга мўлжалланган Янги Ўзбекистоннинг тараққиёт стратегиясини “Инсонга эътибор ва сифатли таълим йили” да амалга оширишга оид давлат дастури** (кейинги ўринларда – Давлат дастури) иловага мувофиқ тасдиқлансин. Вазирлар Маҳкамаси, Қорақалпоғистон Республикаси Вазирлар Кенгаши, вилоятлар ва Тошкент шаҳри ҳокимликлари Давлат дастури ижросини самарали, қатъий тартиб-интизом асосида ташкил этиб, **10 кун муддатда** ҳар бир туман, шаҳар ва маҳалла кесимида амалий чора-тадбирларни белгиласин ҳамда кенг жамоатчилик ва оммавий ахборот воситалари иштирокида мунтазам равишда масъул шахсларнинг ҳисоботини эшитиб борсин. Олий Мажлис палаталари ва маҳаллий Кенгашларга Давлат дастурининг бажарилишини туманлар, шаҳарлар ва маҳаллаларга бориб ўрганиш, масъул давлат органлари раҳбарларининг ҳисоботларини эшитиб бориш тавсия этилсин.

2. Халқимизнинг оғирини енгил қилиш, аҳоли учун қўшимча қўлайликлар яратиш ва уларнинг харажатларини тежаш мақсадида, **2023 йил 1 июндан бошлаб:**

а) барча давлат органлари ва ташкилотларида “**Аҳоли ва тадбиркорларга сервис сифатини ошириш**” чора-тадбирлари белгилансин.

Вазирлар ва бошқа мустақил ижро этувчи ҳокимият органлари раҳбарлари **15 кун муддатда** ўз тизимида **масофадан туриб**, шу жумладан, **мобил иловалар орқали кўрсатиладиган давлат хизматларини кўпайтириш**, ундириладиган **тўловлар миқдорини камайтириш**, талаб қилинадиган **ортиқча ҳужжатларни бекор қилиш**, кўриб чиқиш **жараёнлари ва муддатларини кескин қисқартириш**, шаффофликни

ошириш, **аҳоли ва тадбиркорлар билан доимий мулоқот** майдончаларини ташкил этиш, ходимларнинг **муомала маданиятини юксалтириш**, **тезкор ва сифатли хизмат кўрсатишга ўқитиш** бўйича тадбирлар дастурини тасдиқлаб, **аҳоли ва тадбиркорларга** эълон қилсин;

б) **давлат хизматлари марказлари** орқали кўрсатиладиган давлат хизматлари сони **300 тага**, **Ягона интерактив давлат хизматлари портали** орқали кўрсатиладиган хизматлар сони эса **570 тага** етказилсин;

в) **аҳолининг ижтимоий ҳимояга муҳтож қатламлари (ногиронлиги бўлган шахслар, оғир беморлар, кексалар ва бошқалар)га** миграция ва фуқароликни расмийлаштириш соҳасидаги давлат хизматларини доимий яшаш ёки вақтинча турган жойига чиқиш орқали кўрсатилган хизмат учун **қўшимча тўлов ундирилмаган ҳолда кўрсатиш йўлга қўйилсин**;

г) электр, газ ва сув сарфи ҳисоблагичларини қиёслашдан ўтказиш бўйича давлат хизматларини **проактив тарзда** кўрсатиш (фуқаро мурожаатини кутмасдан, хизмат кўрсатувчи ташкилотнинг ўз ташаббуси билан) тақдирини юбориш

ишлатилсин.

3. **2023 йил 1 сентябрдан бошлаб** аҳоли ва тадбиркорлик субъектларига субсидия ажратиш билан боғлиқ барча хизматлар босқичма-босқич “**Аҳоли ва тадбиркорлик субъектларига субсидия ажратишнинг ягона электрон платформа**” сифатида ўтказилсин ҳамда субсидияларни ажратишнинг мақсадга мувофиқлигини электрон платформа орқали онлайн текшириш тизими йўлга қўйилсин.

Бунда, субсидиялар ажратиш тўғрисидаги аризаларни **Ягона интерактив давлат хизматлари портали** орқали ёки **исталган туман (шаҳар) давлат хизматлари марказлари** орқали топшириш имкониятини яратиш ҳамда **ортиқча бюрократик тўсиқлар ва бошқа коррупциявий омилларни бартараф этиш** таъминлансин.

4. Фуқароларнинг пенсия таъминотини яхшилаш ва пенсионерларни қўллаб-қувватлаш мақсадида, **2024 йил 1 январдан бошлаб** пенсионерга ҳисобланган, лекин ўз вақтида олинмаган пенсияни **тўлаш муддати 12 ойдан 24 ойга узайтирилсин**.

(Давоми 2-саҳифада)

## ЎЗБЕКИСТОН – ТУРКМАНИСТОН: ДЎСТЛИГИМИЗ МУСТАҲКАМЛАНМОҚДА

Бердақ номидаги Қорақалпоқ давлат академик мусикали театрида “Ўзбекистон ва Туркменистон ўртасида дипломатик муносабатларнинг 30 йиллиги ва Махтумқули ижоди ўзбек, қорақалпоқ ва туркман халқларининг дўстлик тимсоли” мавзусида маданий-маърифий тадбир бўлиб ўтди.

Қорақалпоғистон Республикаси Вазирлар Кенгаши Раиси ўринбосари Р.Нуралиев, Республика туркман миллий маданий маркази раиси Г.Авезурдиева, Миллатлараро муносабатлар ва хорижий мамлакатлар билан дўстлик алоқалари қўмитаси бош мутахассиси Ф.Беков ва бошқаларнинг сўзларида давлатимиз раҳбарининг ташаббуси, мамлакатимизда барча миллат ва элат вакилларига яратилган шароитлар, уларнинг она тили, урф-одати, миллий маданиятини ривожлантириш борасидаги имкониятлар, ёшларни миллий ва умуминсоний қадриятларга ҳурмат руҳида тарбиялаш, шу жумладан, ўзбек ва туркман халқлари ўртасидаги стратегик шериклик муносабатларини бундан буён мустаҳкамлаш борасида амалга оширилаётган кенг кўламли ишларга эътибор қаратилди.

Шунингдек, машҳур туркман шоири ва мутафаккири, туркман адабиёти, маданияти ривожига улкан ҳисса қўшган Махтумқули ижодининг туркман адабиёти тарихидаги ўрни, унинг ўзбек-туркман адабий алоқалари соҳасидаги аҳамияти қайд қилинди.

Таъкидланганидек, ўзбек ва туркман халқлари азал-азалдан яқин дўст, аҳил қўшни, стратегик ҳамкор сифатида муштарак мақсадлар билан яшаб келган. Шу сабабли, икки давлат ўртасидаги муносабатларнинг илдири узоқ тарихга бориб тақалади ва ўзаро ҳурмат, ишонч асосида қурилган.

Ўзбекистоннинг яқин стратегик ҳамкорларидан бири – Туркменистон билан амалга оширилаётган ва тобора янги босқичга кўтарилаётган ўзаро дўстлик алоқалари ҳақида сўз юритиш муҳим аҳамият касб этади.

(Давоми 2-саҳифада)

## Фармон ва ижро

### Яйловлар муҳофазаси кучайтирилгани табиат барқарорлигини таъминлайди

2023 йил 16 февралда давлатимиз раҳбарининг “Яйловларни муҳофаза қилиш ва улардан оқилона фойдаланишни таъминлашга доир қўшимча чора-тадбирларни тўғрисида”ги фармони эълон қилинди.

Макжур ҳужжат яйловларни муҳофаза қилиш, улардан оқилона фойдаланишни таъминлаш, шунингдек, каврак етиштиришни янада ривожлантириш ҳамда яйловларда ресурслар тежовчи технологияларни кенг қўллаш мақсадида қабул қилинди.

Айтиш керакки, яйловлар умуммиллий бойлик бўлиб, давлат томонидан муҳофаза қилинади.



Яйловлар чўлдаги, ярим чўлдаги, тоғ олдидagi, тоғдаги ва текисликдаги, сув билан таъминланган ҳамда сув билан таъминланмаган яйловларга ажратилади.

Энг муҳими, яйловлар атроф табиий муҳит барқарорлигида муҳим ўрин тутаяди. Юридик ва жисмоний шахслар яйловларни ифлослантирмаслик, улардан оқилона фойдаланмаганлик, уларнинг таназзулга учраганлиги ва яйловлар тўғрисидаги қонунчиликни бошқача тарзда бузганлик натижасида етказилган зарарнинг ўрнини қоплаши шарт.

Президент фармони асосида яйловларни муҳофаза қилиш тизими кучайтирилиши билан бир қаторда улардан самарали фойдаланиш имкониятлари ортмоқда.

Ҳужжатда 500 гектар яйловда қуёш энергиясида ишлайдиган насос агрегатлари ёрдамида ерости сувларини чиқариш ҳамда томчилатиб сугориш технологиясини жорий этиш бўйича намунавий пилот лойиҳани амалга оши-

риш кўзда тутилган. Ушбу имконият қурғоқчилик шароитига тушиб, барбод бўлаётган яйловларни асраб қолишга кўмаклашади. Бундай хайрли иш кўламини янада кенгайтириш мақсадида мувофиқ.

Фармон билан яйловларни муҳофаза қилиш ва улардан самарали фойдаланишга доир чора-тадбирлар дастури тасдиқланди.

Яна бир муҳим жиҳат шундаки, яйловлардан фойдаланиш ва уларни муҳофаза қилиш, шу жумладан, фойдаланувчиларнинг мулкчилик шаклидан қатъи назар, яйловлардан оқилона ва мақсадли фойдаланиши ташкил этилади ва бу борада назорат амалга оширилади.

2023 йил 1 августга қадар жисмоний ва юридик шахсларга ижарага берилган яйлов ер майдонлари (ўрмон фонди ерлари бундан мустасно) хатловдан ўтказилади. Яйловлардан фойдаланишнинг ҳолати ҳамда шартнома талаблари бажарилганлиги ўрганилади.

Хатлов ва ўрганиш натижаларига кўра, шартнома шартларини бажармаган, хусусан, яйлов ер майдонларидан мақсадсиз фойдаланган ҳолатлар юзасидан қонунчиликда белгиланган чоралар қўрилади. Яйлов ер майдонларининг электрон ҳисобини юритиш йўлга қўйилади.

**Матлуба МИРЗААБДУЛЛАЕВА,**  
ТДЮУ доценти.  
ЎЗА



### Баҳорни соғинган юртим

Бугун баҳорнинг илк кунини. Қишнинг қаҳратон кунлари ортада қолди. Бу йил халқимиз ҳар йилгидан кўра баҳорни, кўкларни орзиқиб кутди. Ижтимоий тармоқларни кузатаркансиз, бу фаслни барча яхши қиришига, интиқиб кутганига яна бир бор гувоҳ бўласиз. Табриклар, баҳор ҳақидаги шеърлар дилларга илиқлик улашади.

Баҳорни жуда соғиндим.. Эрта тонгдан қизим Муслимаҳон баҳор ҳақида ёзган шеърининг бу сатрларини юрагидан жўшиб ўқиди. Барчамизни тўлқинлантирди. Чунки у ғурур билан айтди, баҳор соғинчини қўшиб, фахрланиб айтди. Унинг нигоҳларида кўкларга интиқилгани, гўзалликка ошувталлики сезиш мумкин эди ўшанда. Қалбидаги ўз гўшасига бўлган меҳрни, муҳаббатни қўшиб айтди шу бир оғиз сўзига.

Ҳа, қизимнинг айтганича бор. Баҳорнинг барибир таровати, шуқуши бошқача, Фарғона адирлари яшилликка бурканши арафасида. Эрта тонгдан қуёш мўралаб, офтоб тафти заминни қиздирмоқда. Бу ҳарорат ерга, ўт-ўланнинг бағрига сингади. Ана шундай кезларда эл далага ошиқади.

Баҳорни ким ҳам соғинмайди дейсиз? У гузаллик, орзу-умидлар фасли.

Атрофга бир боқинг. Борлиқ уйғонади. Яшариш, янгилашиш фасли бошланади. Ҳадемай буртиб қолган кўртлар қабо очади. Тилла тангалардек сочилган момақаймоқлар, арик лабида бўйга етган мастона ялпизлар ифори, шаддод шаббоданинг майин бармоқлари дилни энтиқтиради. Баҳор биз интиқ ва интизор кутган, кўнгилларга шодумонлик, қалбларга сурур, юракларга ҳузур бағишловчи ардоқли байрамимиз Наврўздан илк мудда олиб келади. Чунки у байрамлари билан янада ардоқли.

Фарғонанинг бугун барча жойларида ҳам кўклар қўшиғи янграмоқда. Адир у чўлларда баҳордан дарак берувчи бойчечаклар буй кўтарган. Айниқса, қишлоқларнинг таровати ўзгача.

Файзиёб қишлоқ кўчаларидан ўтиб бораркансиз, ажиб хид димогингизга урилади. Сумалак. Дошқозонда Наврўз

## ФАРҒОНА ВИЛОЯТИ

таоми пиширилмоқда. Ёшу қари шу ерда. Сумалакни қовлаб, қўшиқ айтишмоқда:

**Лола гул алвон-алвон,  
Сумалак етмай қолган  
Бир умр қилар армон.**

Ҳар гал сумалак пишириганда, халқимиз, энг аввало, эл-юртга омонлик тилайди, яратгандан экин-тикинга барака сўрайди. А йниқса, ёши улугларимиз “кўкларга етдик, шукр” дея дуо қилади.

– Шу кунларга етказганига шукрлар бўлсин, – дея дуога қўл очади онам. Баҳорни жуда соғиндик.

Ҳа, шундай дорилмомон кунларга етганимиз учун шукроналик ҳиссига тўлади кўнгилларимиз. Юртимиз тинч. Дастурхонимиз тўкин. Фарзандларимиз соғ-саломат. Орзулари мўл, тилаклари бисёр халқимиз эртанги кун умиди билан, тўй-томшалар истаги билан яшаётган ватандошларимиз Наврўзга пешвоз чиқади. Барчамизга баҳор муборак бўлсин!

**Маъсуджон СУЛАЙМОНОВ,**  
ЎЗА муҳбири.

## СУРХОНДАРЁ ВИЛОЯТИ

### ИМКОННИ БОР ИШ БАЖАРСИН!

Алибой Жабборовни Сурхондарё вилоятининг ирригация ҳамда мелиорация тармоқлари ходимлари ишчан раҳбар сифатида яхши билишади ва ҳурмат қилишади. Чунки у, ўттиз йилдан бери соҳа ходимлари билан ҳамкор.

Тошкент политехника институтини (Ҳозирги Тошкент давлат техника университетини) битирган Алибой иш фаолиятини 1989 йил “Сурхонрострой” трестиде усталиқдан бошлаб, 16 йил орасида аввалига иш бошқарувчи, участка бошлиғи, ишлаб чиқариш бўлими раҳбари ва бош

муҳандис вазифаларида баракали меҳнат қилди. Вилоятдаги ҳамма туманлар ва ҳўжалиқлардаги сув ҳўжалиғи қадрига мелиорация объектларини қуриш, реконструкция қилиш, таъмирлаш-тиклаш юмушларини бажариб, етук мутахассис сифатида элга танилди. (Давоми 2-саҳифада)

## “АЛП ТЕХНО СЕРВИС”НИНГ ЭКСПОРТ САЛОҲИЯТИ ОРТМОҚДА



## ҚАШҚАДАРЁ ВИЛОЯТИ

Қарши шаҳридаги “Буюк Турон” кичик саноати зонасида жойлашган “Алп Техно Сервис” масъулияти чекланган жамияти йилига 120 минг дон телевизор ва монитор ишлаб чиқариш қувватига эга.

JVC, TCL, Zimmer ва бошқа брендларнинг аудитидан ўтган корхона маҳсулотлари шу номлар остида ташқи бозорга чиқмоқда. Ўтган йили 3 миллион АҚШ доллари миқдорига маҳсулот экспорт қилинган бўлиб, жорий йилда бу кўрсаткич 6 миллион долларга етказилиши кўзланган.

Корхонада айна пайтда 70 та иш ўрни яратилган. Плата териш ҳамда пластик қисмлар ишлаб чиқариш тармоғи йўлга қўйилиши билан яна 30 та янги иш ўрни яратилади.

**Аъло АБДУЛЛАЕВ (ЎЗА)**  
олган суратлар.

2023 йилда жамоатчилик фикри асосида шакллантириладиган лойиҳаларни молиялаштириш учун Давлат бюджетидан 8 триллион сўм йўналтирилади

Ўзбекистон Республикаси Президентининг ФАРМОНИ

2022-2026 йилларга мўлжалланган янги ўзбекистоннинг тараққиёт стратегиясини "инсонга эътибор ва сифатли таълим йили"да амалга оширишга оид давлат дастури тўғрисида

(Боши 1-саҳифада)

5. Ногиронлиқни белгилашда фуқароларга қўшимча энгиликлар яратиш мақсадида:

а) 2023 йил 1 апрелдан бошлаб ногиронлик идоралараро электрон маълумотлар алмашинуви асосида ногиронлик белгилари аниқ кўришиб турган, анатомик нуқсонлари бўлган, шунингдек, нохуш клиник прогнозга эга касалликлар ва асоратларда фуқароларнинг иштираковисиз белгиланади;

б) Камбағалликни қисқартриш ва бандлик вазирилик (Б.Мусаев) 2023 йил 1 апрелга қадар ногиронлиқни белгилашнинг ижтимоий моделига босқичма-босқич ўтиш концепцияси лойиҳасини киритсин, унда:

фуқароларнинг меҳнат қобилиятини йўқотганлик даражасидан келиб чиқиб ногиронлиқни белгилаш амалиётидан воз кечиш, унинг ўрнига жаҳон стандартлари асосида ногиронлиқни белгилашга ҳамда ногиронлиги бўлган шахсларнинг ҳаётга ижтимоий мослашуви ва уларнинг соғлигини қайта тиклашга;

ногиронлиги бўлган шахслар учун қулай форматлардаги ахборот технологияларидан, имо-ишора тилидан ҳамда мулоқотнинг бошқа муқобил шаклларида фойдаланиш имкониятларини яратишга эътибор қаратилсин;

6. "Янги Ўзбекистон" массивларини ривожлантириш ва аҳолининг уй-жойга бўлган талабини қондириш мақсадида 2023 йилда:

"Янги Ўзбекистон" массивлари ва 161 та бошқа массивларда, жумладан, хусусий пудрат ташкилотлари томонидан янги уй-жойлар қуришининг йиллик ҳажмлари 1,6 бараварга оширилиб, 90 мингга етказилсин. Бунда, уй-жой ҳамда ижтимоий ва савдо объектларини лойиҳалаштириш ва қуришда автотранспорт воситаларининг турароҳлари, шу жумладан, кўп қаватли ва ерости автотурароҳлар мажбурий равишда барпо этилиши таъминлансин; 32 минг нафар фуқарога бозор тамойилларига асосланган ипотека кредитлари, шунингдек, 11 минг нафар фуқарога бошланғич бадал ва фозис тўловларининг бир қисmini қоплашга субсидиялар ажратилиш учун Давлат бюджетидан етарли маблағлар йўналтирилсин;

аҳолини бозор тамойиллари асосида ипотека кредитлари орқали уй-жой билан таъминлашнинг янги тартиби доирасида мулк ҳуқуқи асосида уй-жойга эга бўлмаган фуқаролар учун Тошкент вилоятида тажриба-синов тартибидеги "Менинг биринчи уйим" дастури ишлаб чиқирилиб, амалга оширилсин;

ҳалқаро ва маҳаллий фонд биржаларида "Ўзбекистон ипотекани қайта молиялаштириш компанияси" АЖнинг ипотека облигацияларини чиқариш ва жойлаштириш учун компаниянинг устав фонди 100 миллион АҚШ доллари эквивалентига етказилсин. Бунда, ипотека облигацияларини жойлаштириш ҳисобига жалб қилинган маблағлар ипотека кредитлари учун ресурс сифатида банкларга жойлаштирилсин.

7. Ташаббусли бюджет амалиётини ҳамда маҳаллаларнинг молиявий мустақиллигини кенгайтириш мақсадида:

2023 йилда жамоатчилик фикри асосида шакллантириладиган лойиҳаларни молиялаштириш учун Давлат бюджетидан 8 триллион сўм, шундан "Обод қишлоқ" ва "Обод маҳалла" дастурлари учун 4 триллион сўм йўналтирилсин;

2023 йилда маҳаллалар инфратузилмасини ривожлантириш бўйича лойиҳалар дастурларини доирасида амалга ошириладиган тадбирларни молиялаштириш учун Давлат бюджетидан 4 триллион сўм ажратилсин.

Иқтисодиёт ва молия вазирилик (Ш.Кудибиев) уч ой муддатда лойиҳаларни жамоатчилик фикри ва "Очқич бюджет" порталида тўпланган овозлар асосида молиялаштиришнинг самарали тизимини яратсин ва амалиётга киритсин.

Бунда, овоз бериш жараёнларини холис ва маъмурий аралашувларсиз ташкиллашти-

ришнинг аниқ механизмларини жорий қилишга алоҳида эътибор қаратилсин.

8. Таълим сифатини ошириш, соҳани илғор хорижий тажриба асосида ислоҳ қилиш мақсадида:

а) 2023 йил 1 сентябрдан бошлаб ҳар бир туман (шаҳар)нинг биттадан умумий ўрта таълим муассасасида ўқувчиларни иккита хорижий тил ва битта касб-хунарга ўргатиш амалиёти босқичма-босқич йўлга қўйилсин;

б) 2023/2024 ўқув йилидан бошлаб босқичма-босқич умумий ўрта таълим муассасаларида ўқувчиларни умуминсоний ва миллий қадриятлар, ватанпарварлик руҳида тарбиялаш, шунингдек, уларда коммуникатив кўникмалар, танқидий ва креатив фикрлаш, жамоа бўлиб ишлаш, тадқиқотчилик каби кўникмаларни шакллантиришга йўналтирилган таълим дастурлари амалиётга киритилсин.

Бунда: умумий ўрта таълим муассасаларининг 1-4-синфларида ўқувчиларни илғор хорижий тажриба асосида ишлаб чиқилган дарсликлар бўйича ўқитиш;

5-9-синфларда ўқувчиларга умумтаълим фанларидан таянч билимлар бериш;

10-11-синф ўқувчиларининг қизиқиш ва қобилиятига мос бўлган иختисослашган дастурлар асосида билим бериш амалиёти жорий қилинсин;

в) 2023/2024 ўқув йилидан бошлаб республиканинг барча вилоятлари ва Тошкент шаҳрида бошланғич синф ўқувчиларини бепул овқат билан таъминлаш йўлга қўйилсин.

Бунда, овқат турлари ўқувчиларнинг ёши ва соғлиғи ҳолатига кўра меъёрланган ҳолда етказиб берилиши ҳамда санитария талабларига жавоб бериши таъминлансин;

г) 2023 йил 1 апрелдан бошлаб мактабгача таълим қамровини кенгайтириш мақсадида: янги мактабгача таълим ташкилотлари фаолиятини кўп квартиралли уйларнинг нотурар қаватларида ёки яқна тартибда қурилган уй-жойларни сотиб олиш ва кейинчалик уларни таъмирлаш ҳамда жиҳозлаш орқали ташкил этишга руҳлат этилсин;

давлат-хусусий шериклик лойиҳаси доирасида ижарага берилган ер участкасида нодавлат мактабгача таълим ташкилоти биносини қурган хусусий шерик томонидан ушбу бинонинг мажбурий лойиҳа учун банк кредитлари бўйича гаровга қўйилишига оид чекловлар бекор қилинсин;

д) профессионал таълим тизимини ривожлантириш, меҳнат бозори ва иш берувчиларнинг талабларига мос бўлган малакали ўрта бўғин кадрларини тайёрлаш мақсадида:

2023/2024 ўқув йилидан бошлаб давлат грантлари коллеж ва техникумларнинг дуал таълим шакли бўйича ҳам ажратилсин;

2023 йил 1 сентябрга қадар Қорақалпоғистон Республикаси, вилоятлар ва Тошкент шаҳрида малакали хорижий экспертларни жалб қилган ҳолда Европа касбий таълим ва касбга ўқитиш сифатини таъминлаш тизими талабларига тўлиқ жавоб берадиган 1 тадан намунавий профессионал таълим муассасалари фаолияти йўлга қўйилсин;

е) 2023 йил 1 апрелдан бошлаб: профессионал таълим муассасаси педагогларининг базавий тариф ставкаларига; педагогларнинг умумий ўрта таълим муассасаси педагогларининг базавий тариф ставкаларига;

профессионал таълим муассасаси биринчи ва иккинчи малака тоифасига эга бўлган, малака тоифасига эга бўлмаган олий маълумотли ҳамда олий маълумотга эга бўлмаган ишлаб чиқариш таълими усталарининг базавий тариф ставкалари тегишнча умумий ўрта таълим муассасаси биринчи ва иккинчи малака тоифали ўқитувчиси, олий маълумотли ўқитувчиси ҳамда ўрта махсус маълумотли ўқитувчисининг базавий тариф ставкаларига тенглаштирилсин.

9. Аҳолига бирламчи тиббий хизматларни яқинлаштириш ва фуқароларни сифатли тиббий хизматлар билан таъминлаш, касал-

ликларни эрта босқичда аниқлаш, шунингдек, беморларга қўшимча қулайликлар яратиш мақсадида:

а) Соғлиқни сақлаш вазирилик (А.Иноятов): 2023 йилда 30 та оилавий поликлиника, 110 та оилавий шифокор пункти ва 520 тагача илгир маҳалла тиббиёт пунктларини ташкил этиш;

18-40 ёшли 12,6 миллион нафар аҳолини профилактик кўриқдан ўтказиш, 40 ёш ва ундан катта ёшдаги сурункали касаллиги бўлмаган 6,3 миллион нафар аҳолини юрак қон-томир касалликлари ва қандли диабет, 3 миллион нафар аҳолини онкологик касалликларни эрта аниқлаш бўйича скрининг текширувларидан ўтказиш; спинал мушак атрофияси билан касалланган 112 нафар болани дори воситалари билан таъминлаш;

250 нафардан ортиқ заиф эшитувчи болада кохлеар имплантация операцияларини ўтказиш, шунингдек, бундай операциялар ўтказилган 132 нафар болада нутқ процессорларини алмаштириш чораларини кўрсин;

б) вақтинча меҳнатга лаёқатсизлик варақалари ва бошқа тиббий маълумотномаларни бериш босқичма-босқич электрон шаклга ўтказилсин. Бунда:

вақтинча меҳнатга лаёқатсизлик варақалари ва бошқа тиббий маълумотномаларни бериш Навоий ва Сирдарё вилоятларида – 2023 йил 1 июлдан бошлаб, Тошкент шаҳри, Тошкент ва Самарқанд вилоятларида – 2023 йил 1 октябрдан бошлаб, республиканинг бошқа ҳудудларида – 2024 йил 1 январдан бошлаб электрон шаклга ўтказилсин.

2024 йил 1 январдан бошлаб вақтинча меҳнатга лаёқатсизлик варақалари ва бошқа тиббий маълумотномаларни қоғоз шаклда талаб қилиш тақиқлансин;

в) 2023 йил 1 июлдан бошлаб Тошкент шаҳрида босқичма-босқич давлат тиббий сугуртаси механизми жорий этилсин;

г) 2023 йил якунига қадар ногиронлиги бўлган шахсларни амбулатор ва стационар шaroитда бепул тиббий-ижтимоий реабилитация чоралари билан қамраб олиш кўлами 30 минг нафарга етказилсин.

10. Аҳоли орасида юқумли бўлмаган касалликларнинг олдини олиш, соғлом турмуш тарзини шакллантириш ва жисмоний фаоллик даражасини ошириш мақсадида қуйидагиларни назарда тутувчи "Тўғри овқатланиш ва соғлом турмуш тарзи" умумийлиги ҳаракати йўлга қўйилсин:

аҳолига смартфон ва мобил иловалар ёрдамида ўз соғлиғи ва овқатланишини назорат қилишни ўргатиш, тўғри овқатланиш бўйича мобил илова яратиш;

болаларга мўлжалланган носоғлом озиқ-овқат маҳсулотлари ва ичимликлар, болалар озиқ-овқат маҳсулотлари ҳамда энергетиклар, дори воситалари, биологик фаол моддалар рекламасига талаб ва чекловларни қучайтириш; таълим муассасаларида болалар ва ёшлар учун тавсия этилмайдиган маҳсулотлар, шу жумладан, таркибда шаккар, туз, трансжлар микдори юқори бўлган озиқ-овқат маҳсулотлари, таъм ва ранг берувчи қўшимчалар рўйхатини тасдиқлаш ва уларнинг истеъмолини камайтириш;

маҳаллий маҳсулотлар турларидан келиб чиқиб, аҳолининг ҳар бир ҳавф гуруҳи ва касаллик турлари учун алоҳида-алоҳида соғлом овқатланишга қаратилган тавсияларни ишлаб чиқиш;

ёши, тана тузилиши, турмуш тарзи ва касалликларга мойиллигидан келиб чиқиб, болалар, катталар ва кексалар учун қисқа тўғри овқатланиш бўйича тавсиялар, соғломлаштириш машқлари ва гигиена қоидалари тўплани яратиш;

иш жойларида ходимларнинг жисмоний тарбия билан шуғулланиши ва соғлом овқатланиши учун зарур шарт-шaroитларни яратиш.

11. 2023 йил 1 апрелдан бошлаб Ўзбекистон Республикасида меҳнат фаолиятини амалга ошириш ҳуқуқига доир тасдиқнома амал

қилиш муддати давомиде чет эл фуқаролари хориждан олиб келинган шахсий автотранспорт воситасини олиб чиқиб кетиш муддатини узрли сабабларга кўра ўтказиб юборганда, қонунчилик ҳужжатларида белгиланган йғимини тўлашдан озод этилсин.

12. Тадбиркорлик субъектларининг ҳуқуқий ҳимоясини янада қучайтириш мақсадида 2023 йил 1 июлдан бошлаб тадбиркорлик субъектларига нисбатан янги турдаги жавобгарлик ва жазо чораларини жорий этишга уч йиллик мотарий ўрнатилсин.

Адлия вазирилик (А.Ташкулов) Бош прокуратура (Н.Йўлдошев) билан биргаликда бир ой муддатда савдо ёки хизмат кўрсатиш қоидаларини бузганлик учун жиноий жавобгарликни маъмурий юрисдикцияга ўтказиш орқали бекор қилишни назарда тутувчи қонун лойиҳасини ишлаб чиқсин ва белгиланган тартибда Вазирлар Маҳкамасига киритсин.

13. Қишлоқ ҳўжалигини сув ресурслари билан барқарор таъминлаш мақсадида 2023 йилда:

сув ресурсларини бошқаришда узлуксиз тизимни йўлга қўйиш ҳамда сувни тежайдиган рақамли технологияларни жорий қилиш ҳисобига сувни етказиб беришдаги табиий йўқотишлар ҳажми 10 фоизгача камайтирилиши;

қишлоқ ҳўжалиги ерларини суғориш ва балиқ етиштириш (устуриш) учун фойдаланиладиган сув ҳажми бўйича солиқ ставкасини ошириш орқали сув солиғи бўйича тушумларнинг бир қисми туманларда суғориш хизматларини ривожлантириш, ариқ, зовур ва каналларни бетонлаштириш йўналтирилиши таъминлансин.

Сув ҳўжалиги вазирилик (Ш.Хамраев) 2023 йил якунига қадар:

а) сув ресурсларини бошқаришда рақамли технологияларни кенг жорий қилиш, сув тежовчи технологиялардан фойдаланиш, зарур ирригация ва мелiorация тадбирларини ўз вақтида амалга ошириш орқали қамда 7 миллиард метр куб сув иқтисод қилинишини ҳамда 300 минг гектар майдонда тақорий экинларни суғоришга йўналтирилишини таъминласин;

б) Иқтисодиёт ва молия вазирилик (Ш.Кудибиев) билан биргаликда:

сувнинг ҳисобини очик-ошкора юритиш тизимини жорий этиш мақсадида 13 мингта сув ҳўжалиги объектларини рақамлаштириш билан боғлиқ барча харажатларни Давлат бюджетидан маблағлари ва халқаро молия институтлари грантлари ҳисобидан молиялаштириш;

16 та йирик насос станцияларини давлат-хусусий шериклик асосида модернизация қилиш чора-тадбирларини ишлаб чиқиб, тасдиқлаш учун киритсин.

14. Адолат ва қонун устуворлигини мустаҳкамлаш, инсон ҳуқуқ ва эркинликларига сўзсиз риоа этилишини таъминлаш борасида қуйидагиларни назарда тутувчи қонун лойиҳалари белгиланган тартибда Олий Мажлис Қонунчилик палатасига киритилсин:

жиноятларни тергов қилиш жараёнида "Хабес корпус" институтини қўллаш амалиётини янада кенгайтириш мақсадида тинтув ўтказиш, телефон сўзлашувларини эшитиб туриш ва мулкни халлашга саняриқ бериш ваколатини прокурорлардан судларга ўтказиш;

жиноят ишини судларга айблов ҳулосаси (айблов далолатномаси) ва химоачи фикри билан бирга тақдим этиш тартибин жорий этиш;

адвокатлик фаолияти билан шуғулланиш ҳуқуқини берувчи лицензияни олиш учун юридик мутахассислик бўйича қамда икки йиллик иш стажига эга бўлиш талабини бекор қилиш.

Олий суд (Б.Исламов), Адлия вазирилик (А.Ташкулов) ва Бош прокуратура (Н.Йўлдошев)

Ўзбекистон Республикаси Президенти

Тошкент шаҳри, 2023 йил 28 февраль

Ш.МИРЗИЁЕВ

Ўзбекистон – туркменистон: дўстлигимиз мустаҳкамланмоқда

(Боши 1-саҳифада)


Зеро, икки дўст давлатлар ўртасидаги ижтимоий, иқтисодий, маданий-маърифий соҳалардаги алоқаларни янги босқичга кўтариш, ҳамкорлигини янги йўналишлари ва истиқболларини белгилашга ҳолда ўзаро манфаатли ҳамкорликни

ривожлантириш борасида тарихий ишлар амалга оширилмоқда.

Шу ўринда айтиш жоизки, буғунги кунда мамлакатимизда истиқомат қилаётган 130 дан ортиқ миллат ва элат вакиллари орасида 206 минг, Қорақалпоғистон Республикасида эса 105 минг нафардан

зиёд туркман биродарларимиз жонажон юртимиз тараққиёти йўлида меҳнат қилмоқда. Мамлакатимизда туркман халқи миллий маданияти, тили, анъаналари ва урф-одатларини асраш ҳамда ривожлантириш мақсадида барча имконият, шарт-шaroитлар яратилган.

Қорақалпоғистон Республикасида таълим туркман тилида олиб бориладиган 40 га яқин мактаб фаолият олиб бормоқда. Уларни она тилидаги дарсликлар билан таъминлашга эътибор қаратилмоқда. Бердақ номидаги Қорақалпоқ давлат университетига туркман филологияси бўйича етук мутахассислар, Ажинияз номидаги Нукус давлат педагогика институтига бошланғич синф ўқитувчилари тайёрланмоқда. Қорақалпоғистон Республикаси туркман миллий маданий маркази қошида "Мекан" газетаси чоп этилмоқда, "Орзу" ашула ва ракс



ансамбли фаолият кўрсатмоқда.

– Мамлакатларимиз ўртасида дипломатик муносабатлар ўрнатилганининг 30 йиллиги ҳамда туркман мумтоз шеърийатининг атоқли вакили Махтумқули таваллудининг 300 йиллиги Оролбўйида ҳам кенг нишонланмоқда, – дейди Республика туркман миллий маданий маркази раиси Гулдана Аведурдиева. – Дўстлигимиз мустаҳкам ва абадий бўлсин, мамлакатларимиз раванқ

топиб, бир-бирига доимо мустаҳкам ҳамда ишончли шерик бўлиб қолсин! Маданий-маърифий тадбир доирасида меҳмонларга рус, қозок, туркман, ўзбек, қорақалпоқ, украин ва корейс миллатлари вакиллари томонидан тайёрланган маҳсулотлар кўргазмаси ҳамда турли миллат вакиллари ижросида концерт дастури намойиш этилди.

Довуд АБИДУЛЛАЕВ, ЎЗА муҳбири.

АНДИЖОН ВИЛОЯТИ

СУВЧИЛАР БАҲОРГИ ЮМУШЛАРГА ҚИЗҒИН КИРИШДИ

Айни кунларда Избоскан тумани ирригация бўлими жамоаси суғориш мавсумига тайёрлик кўриш ишларини якунига етказмоқда. Бу борада ирригаторлар ва фермерлар ўзаро бамавсалят иш юритаётди.



Тумандаги "Чўнбоғиш" фермер ҳўжалиги бошлиғи Улуғбек Охуновнинг айтишича, гидроучастка ва гидростанцияларнинг мавсумга барвақт тайёрланганлиги, ички сув йўлларининг этар-роқ тозаланганлиги туфайли биринчи суғориш сифатли амалга оширилди.

Туман ирригация бўлими бошлигининг ўринбосари Абдулатиф Юсуповнинг маълум қилишича, ҳозирга қадар 120 донга гидростел жорий ва мукамал таъмирдан чиқарилиб, 9,9 километр узунликдаги ариқлар мавсумга шай ҳолатга келтирилди.

Норин-Қорадарё ИТХБ матбуот хизмати.

### Учрашувда вилоятдаги мактабларнинг бугунги аҳволи, айти пайтдаги мавжуд муаммолар очиқ-ойдин тилга олинди

ҚАШҚАДАРЁ ВИЛОЯТИ

Президент ташрифи тафсилотларидан

# ТАЪЛИМ БОШ МАВЗУ

## Президентимизнинг Қашқадарёга бу галги ташрифи таълим соҳасининг муаммолари муҳокамасидан бошланди

Маълумки, сўнгги йилларда мамлакатимиздаги барча ҳудудлари сингари воҳанинг турли маҳалла ва қишлоқларида ижтимоий соҳа объектлари – боғчалар, мактаблар, даволаш муассасалари сингари иморатлар янгидан қурилмоқда, реконструкция қилинмоқда ва ялли таъмирдан чиқарилмоқда. Қарши туманининг Янги Батош маҳалласи ҳам шаҳар кўринишини олиб, унда қисқа вақт ичида замонавий тўрт қаватли мактаб ва ёнгинасида болалар боғчаси қад кўтарди.

Юртбошимиз 24 февраль куни Қашқадарё вилоятига сафарини айнан мана шу 71-сонли мактаб ҳаёти билан танишишдан бошлади. Ўқувчиларга чуқур билим бериш учун барча жиҳозлар билан таъминланган синф хоналари, фан кабинетлари, ўқув устaxonалари билан танишиб чиққан Президентимиз вилоятнинг таълим соҳасидаги вазиятни билан учрашди. Менга ҳам соҳанинг фахрийси сифатида учрашувда қатнашиш насиб этди. Учрашувда вилоятдаги мактабларнинг бугунги аҳволи, ўқитувчиларнинг сифат таркиби, айти пайтдаги мавжуд муаммолар очиқ-ойдин тилга

олинди. Вилоятда мактабларнинг аҳволини яхшилаш учун ҳукуматимиз маблағни аямаётганлиги, қурилиш ва таъмирлаш учун бир триллион сўмдан ортиқ маблағ сарфланганлиги мамнуният билан қайд қилиб ўтилди. Аммо шунга қарамадан ўқитувчилар яратилаётган бу имкониятларга мос равишда меҳнат қилаётими, ёшларга талаб даражасида билим берилаяптими, деган савол ўртага ташланди. Президентимиз бу саволларга тўпланганлардан аниқ жавоб сўради. Дастлаб сўз олган Ўзбекистон Қаҳрамони, таниқли ўқитувчи Муҳаббат Шаропова ўз фикрини баён қи-

лар экан, узоқ йиллар ижтимоий соҳа вакилларининг ўз хизмат вазифаларидан четлатилиб қишлоқ ҳўжалиги ишларига жалб қилинганлиги, ойлик маошларнинг камлиги натижасида келиб чиққан муаммоларга тўхталди. Авваламбор, ўз маошига рўзгор тебрата олмаган эркак ўқитувчиларнинг бошқа соҳаларга иш қидириб кетишлари таълимга салбий таъсир кўрсатди. Бора-бора аёллар ҳам елкаларига хуржунни осиб, бошқа



шаҳарларга, ҳатто хорижга кета бошладилар. Натижада болалар боболари, момолари, қариндошлари, ҳатто қўшниларига қолиб кетиш ҳоллари ҳам рўй берди. Бунинг оқибатида тарбияга путур етди, болалар ўртасида ҳатто жиноят содир этиш сони оша бошлаган эди. Сўнгги йилларда аҳвол тамоман ўзгарди: ўқитувчи ҳамма ишлардан озод қилиниб, дарсини берадиган, болалар эса билим олиш билан шуғулланадиган бўлишди, ўтказилаётган бу ислохотлар энди-энди ўз натижасини бера бошлади. – Мактабимиз туманимизнинг

қоқ марказида жойлашган бўлсада, тўртта биносидан бири яъни 120 ўринлиси зах, нураш арафасида эди, – дея сўз олди Ғузур туманидаги Убайдулла Уватов номидаги мактаб директори Лола Усмонова. – Ундаги парталар эскириб кетган бўлиб, ўқувчиларнинг ўтириши учун ноқулай, доскаларга ёзиш қийин эди, жиҳозлар етишмасди. 2020 йилда бу бино ўрнига 360 ўринли замонавий бино қуриб берилди. Эндиликда мавжуд тўрт бинода 2200 дан ортиқ ўқувчиларимизнинг барчаси учун ўқиётган синф хоналари, фан кабинетлари,

ўқув устaxonалари талаб даражасида жиҳозланган. Ўқувчиларимизнинг камида иккита хорижий тилни ўрганишлари ва беш турдаги хунар ўрганишлари учун шароит яратдик. Бундай ўзгаришлар бошқа туманларда ҳам амалга оширилганлиги тўғрисида қатнашчилар Президентимизга ахборот бердилар. Икки соатдан кўпроқ таълим ходимларининг фикрларини тинглаб, мулоқот қилган Юртбошимиз воҳада ёшларга сифатли таълим бериш, уларни замон талаблари асосида тарбиялашнинг кўплаб қирралари тўғрисида ўз таклифларини билдирдилар. Мамлакатимизда ҳар доим ўқитувчиларнинг обрўсини ошириш, уларнинг иш шароитларини яхшилаш, моддий ва маънавий кўллаб-қувватлашга доимий эътибор қаратилиши соҳасида олиб борилаётган ишлар давом эттирилиши қайд қилинди. Кун давомида Президентимиз қайси жойга борган бўлсалар, ўтказган барча учрашувларида эътиборни ёшлар тарбиясига, уларнинг чуқур билим олишлари ва тарбиясига қаратдилар.

Хусниддин НУРИДДИНОВ



Америка таассуротлари

# УЛАР БУ ИШЛАРНИ УДДАЛАШ УЧУН ЎЗЛАРИДА КУЧ ТОПА ОЛГАН

Америкага сафаримиз давомида Фибершед компанияси асосчиси Ребекка Бургесс билан бўлган мулоқотимиз ҳам қизиқарли кечганди. Компания фаолияти иқлим имкониятларини кенгайтириш, қишлоқ ҳўжалигига фойда келтиришдан иборат бўлиб, минтақавий ишлаб чиқаришни кенгайтирувчилар ва охириги фойдаланувчиларни етарли маълумотлар билан таъминлаб боради.

Ребекка Бургесс ҳудудда энг кўп сотилган “Харвестинг Солор” китобининг муаллифи. Китоб фермерлар, мода саноати ва янги тўқимачилик иқтисодиёти учун 2019 йилда чоп этилган. Умуман, мазкур ташкилот пахта толаси ва кўй жуни етиштирувчилар билан уни қайта ишловчилар ўртасида илмий асосда воситачилик ишларини ташкил этиб боради. Ребекка Бургесс кучли ва шиддаткор, ҳар қандай вазиятдан чиқиб кетиш йўлини топишга ҳозир ва қодир, ҳеч бир қийинчилик иродасини бука олмаган зангори кўзли, тик қоматли гўзал ва нафосатли аёл. У камтаринлигича қолишни маъқул кўради, арзон ва ярашқили кийимлар кияди, дабдабали автомобиллар ва ҳовли жойлар сотиб олмади, ўз ишини жонидан ортиқ севади. Фурсатдан фойдаланиб Ребекка хонимга уч-тўртта савол бердим.



– Компаниянинг мақсад ва вазифаси ҳақида тўхталсангиз?

– Компаниямиз нодавлат, нотижорат ташкилоти ҳисобланиб, ер эгалари, фермерлар ва тўқимачилик корхоналари ўртасидаги муносабатларни йўнгалашга, тиклашга кўмаклашиб келади. Мақсад қишлоқ ҳўжалиги билан банд жамоалар етиштириётган пахта хомашёсини инжикмасдан харид қилишни назорат қилиш. Ҳозирда инон-ихтиёриимизда етмиш бешта жамоа мавжуд. Улар бир юз тўқсон минг акр ер майдонида деҳқончилик қилади. Калифорния штати Америка Қўшма Штатлари тарихига бир минг саккиз юз йигирманчи йилда қўшилган. Шундан буён минтақда хунармандлар тайёрланган, кўл кучи билан тайёрланган маҳсулотларга ўғай кўз билан қарамайди. Биз шунинг учун ҳам хунармандлар мушкулени осон қилишга кўмаклашамиз. Бу масъулияти юмуш доимий эътибор марказида бўлиб келган. Ота-боболаримни бир минг саккиз юз ўн бешинчи йилда тақдир шамоли бу ерларга учириб келган. Улар бу ерга мўжм ўрнашиб, Исландия, Ирландия, АҚШ давлатларидан жун олиб келганлар. Деҳқонлар ошқовоқ,



лавлаги етиштиришни тузук билганлар. Эла Робола деган қабил вакиллари қадимдан бу замин тупроғида пахта экиб келганлар. Шу-шу бошқа минтақалардаги каби, Жанубий Калифорнияда ҳам пахта, гўза ўтроклашган экинга айлини улгурган.

– Пахта ҳамда жун етиштиришда асосан нимага эътибор қаратилади?

– Калифорниянинг сардоқатли ватанпарвар йигит-қизлари учун чинакам муқаддас нарсалар бор. Ўлка ерларининг тинкисини қуритаётган, мадордан кетказайётган қуроқчилик ҳамда сувнинг ер тубига тортилишидан асраб қолиш, ҳимоялашдир. Бу бутун минтақада истиқомат қилаётган эзгу ниятли кишиларга азоб беради. Аслида бундай ўткир, етилган муаммолар пахта етиштирувчилар қаторида, бизларни ҳам ҳаяжонга солиб, дилмизани сиёҳ қилиб юборади. Йирик тўқимачилик корхоналари раҳбарлари ҳам бу масалаларга ҳукумат эътиборини қаратишга муяссар бўлди. Бу муаммага тегишли ташкилотлар эътиборини қаратишдан асло

тийилмайдилар. Қишлоқ ҳўжалиги корхоналари, фермерлар, тўқимачиларни биринчи галда сифат ва сон жиҳдий қизиқтиради. Бу нарса ернинг ҳолатига узвий боғлиқдир. Иложи борича тупроқ тарихини ўнглаб, ишлов беришининг янги усулларида фойдаланаяпти. Баъзида олимлар хизматига ҳам эҳтиёж сезилади. Улар бизларга тегишли бўлган ерларда илмий-тадқиқот, ўрганиш ишларини олиб борадилар.



– Эшитишимизча, АҚШнинг кўпгина минтақаларида рангли пахта етиштирилган экан?

– Тўғри, болалигимдан плантацияларда ўстирилаётган турфа рангдаги, яъни жигаранг, қизил, сариқ, оқ пахталарга меҳрим тушган. Шу тарихи ундан нафис ва бежирим матолар тўқилади. Уртача бир килограмм жун тўрт ярим долларга сотилади. Баъзида нарх бундан ҳам қимматлашиши мумкин. Нега энди мен бу ерда эканимни биласизми?

– Йўқ, дедим. – Болалигимда ёт эллардан келтирилган, бу ернинг иқлим шароитига мослашган

қадалди ва юз-кўзига табассум ёйилди. У мени Ўзбекистондан келган журналист эканлигимни билиб, таниб қолганди. Энидаги ўзи билан ёнма-ён қадам ташлаётган қиз Алесон Райлига бўрилиб қаради, тўхтаб мен томонга яқин келди ва хушчақчақ, самимий оҳангда сўзбатга қўшилди:

– Тўғриси айтсам, сурувдаги кўйларни бошқа жойга олиб кетишда сизга сал бўлмаса менинг миямга қон ўрай деганди. Уларсиз мен ҳўжаликни бошқа олмастимизнинг тушуниб етдим. Лекин, сал вақт ўтиб барчаси ўз измига тушиб кетди. Отар тагин кўй сурувига тўлди. Буларни бариси кўй зоти яхшилиниб, сифатли жун ишлаб чиқариш ҳажми ошганлигидан далолат беради. Шунинг учун биз кўйлар жунини йилга бир маротаба қирқишга мажбур бўлдик. Тушунаясизми, кўй жунининг харидори кўп, бозори қаққон. Дастлаб жун ювиб тозаланади, сўнгра тола ҳолатига келтирилади. Шу тарихи ундан нафис ва бежирим матолар тўқилади. Уртача бир килограмм жун тўрт ярим долларга сотилади. Баъзида нарх бундан ҳам қимматлашиши мумкин. Нега энди мен бу ерда эканимни биласизми?

– Йўқ, дедим. – Болалигимда ёт эллардан келтирилган, бу ернинг иқлим шароитига мослашган



кўй сурувлари ҳақида кўп ўқиганман, эшитганман. Ана шу жониворларни мана ҳозир ўз кўзим билан кўриб, парвариш-лаб турибман. Ишимдан нолимайман. Шу сабабли бу ерда қолиб, кўй сурувларига меҳримни беришга жазм этдим. Қолаверса, ҳар қандай ангилкини синаб кўриш имкониятини кўлдан бой бермаяман. Албатта, бу нарса дунёқарашимни кенгайтиради, билимларимни бойлатади. Битта қўйдан йилга беш килограмм сифатли жун олиш мумкин. Бир гектар яйловга ўн, ўн бештагача майда шохли мол тўғри келади. Жониворлар беда, йўнғичка, ва бошқа ўт-ўланларни хуш қўриб истеъмол қилади. Натижада теъза семирчи, эт боғлайди. Кўй асосан гўшт, жун ва пишлоқ учун боқилади. Негадир америка халқи кўй гўштини кам истеъмол қилади.

Ҳаво илик, баъзида шамол эсади. Гоҳида тепадан ёввойи ўрдак, гўзал галаси учиб ўтади. Ям-яшил дарахтзорлар, дилга хуш ёқувчи майсазорлар кучоғидаги манзилда ҳаёт қайнайди. Бу ерни обод қилганларнинг чеҳраси оқиб, ён-вериди одамларга бефарқ эмас. Зеро, улар бу эзгу ишларни уддалаш учун ўзларида куч топа олган. Бугун бажарган ишларидан кайфияти чоғ бўлиб ўтирибди. Аслида бу уларнинг бекаму-кўст бахтидир.

Улўғбек ЖУМАЕВ, журналист.

## ИМКНИ БОР ИШ БАЖАРСИН!

(Боши 1-саҳифада)

Соҳада ишлаб, кўп йиллик тажриба орттирган Алибойни бошқа ташкилотларга бир неча марта ишга таклиф қилишган. Аммо у хусусийлаштириш бошланган 2005 йили алоҳида корхона тузиб, ирригация-мелиорация объектларини қуриш, таъмирлаш-тиклаш билан шуғулланишни давом эттиришга бел боғлади. “Туронирсувқурилиш” корхонасини ташкил қилиб, биринчи галда моддий-техника базасини мустаҳкамлашга киришди. Бундан кредит чиқарди, лизинг компаниялари билан шартнома тузди. 4 та экскаватор, 2 та бульдозер, автокран, Лепхер, Чаён, Тройлер, 25 тонна юк кўтарадиган ўзи туширадиган 3 та автомашина харид қилинди. Корхонада энг тажрибали мутахассислар тўпланди. 17 йил мобайнида корхона секин-аста иқтисодий жиҳатдан юксала борди. Бетон тайёрлаш ва бетон буюмлар ишлаб чиқариш цехи очилди. Айни дамда корхонада 60 нафар муҳандис-техник доимий меҳнат қилапти. Иш ҳажми ортганда яна 100 нафар мавсумий ишчи жалб этилади. Барча турдаги техникаларга эга жамоа ҳар йили ирригация ва мелиорация объектлари бўйича кўзда тутилган қурилишларни амалга ошириш лойиҳа танловларида иштирок этмоқда. Танловда ғолиб бўлган тақдирда ҳам битта лойиҳа билан чекланмайди. Ишчиларни бўш қолдирмаслик ва корхона даромадини кўпайтириш мақсадида бошқа корхоналарга ҳам ёрдамчи пудратчи бўлиб иш бажаришаверади.

Алибой Жабборовнинг ўрнат олса арзийдиган фазилати шуки, ходимлари манфаатини биринчи ўринга қўяди. Корхонани катта бир рўзгор деб билади. “Раҳбар 60 нафар ходимга ҳам ота, ҳам она”, дейди у. Иш бўлиб турсагина ходимлар ҳамда корхона даромадли бўлишини чуқур идрок этгани туфайли мудом изланиш-ҳаракатда. Айрим қурувчиларга ўхшаб пули бўлганда енгил автомашина харид қилмади, кўша-кўша уй қурмади, аксинча толган маблағини фақат корхона ва ходимлар манфаати йўлида сарфлади. Айнан шунинг учун ҳам корхона-нинг моддий-техника базаси мустаҳкам, ҳар қандай ишни уддалаш учун техника ҳам, тажрибали мутахассис ҳам етарли. Ишлаб чиқариш бўлими бошқариш Исомиддин Хидиров, ака-ука машинист экскаваторчилар Асқар ва Фазлиддин Қобулов, Жаҳонгир Эргашев, Элмурод Юлдошев, Баҳром Абдурахимов, Холмўмин Норқўчқоров сингари техника шайхонлари Алибой аканинг таянчлари. Уларнинг меҳнаткашлигига суяниб, Жабборов ҳеч нарсани ўйламай, катта-катта лойиҳаларни бажаришни корхона зиммасига олади. Бирор объектда иш бошлашса, бетонлаштириш зарурати туғилса ёки бетон гиштлар, бетон балкалар ёхуд питалар керак бўлса, бошқа ташкилотларга излаб боришмайди. Бетон тайёрлаш ва бетон буюмлар ишлаб чиқариш цехида ўзлари тайёрлашади – ҳам сифатли, ҳам ҳамёнбон. Ўтган йили корхона аъзолари умумий ҳисобда 17 миллиард сўмлик иш бажаришган. Жумладан, ирригация ва мелиорация объектларида 11 миллиард сўмлик реконструкция, тозалаш, таъмирлаш-тиклаш юмушларини уддалашди.

– Инсофли, диёнатли, тажрибали раҳбар Алибой Жабборов бошлиқ корхона жамоаси билан анчадан бери ҳамкорлик қиламиз. 2022 йил улар ташкилотимиз бюрютмасига асосан, Ангор туманида 178,5 километр узунликдаги коллектор-дренаж тармоқларини тозалаш, таъмирлаш-тиклаш ишларини сифатли бажаришди, – дейди “Сурхондарёсувқурилишнинг” давлат муассасаси етакчи мутахассиси Одил Исмадиев.

– Бундан ташқари, Денов туманидаги “Ойбарак” каналининг 3 километр қисмини бетонлаштириб, 3,5 километрини лойқадан тозалаб, таъмирлашди. Қайси объект ишониб топширилса, корхона ишчилари ҳамма сифатга катта эътибор беришади. Ҳозирда корхона ишчи-хизматчилари йилдан-йилга ўтувчи объект ҳисобланган “Кўмқўрган” каналининг Шўрчи туманидан ўтувчи 3,5 километр қисмини сел-тошқин сувларидан ҳимоя қилиш мақсадида бетонлаштириш ишларини амалга оширмоқда.

Усмонали НОРМАТОВ

## ҲУҚОРО МУҲОҒАЗАСИ ОЙЛИГИДА ФАОЛ БЎЛАЙЛИК!

Сергели тумани ФВ, СЕО ва ЖСХ бўлими ходимлари ҳамда тегишли соҳа вакилларида иборат ишчи гуруҳ томонидан Сергели тумани Янги сергели кўчасида жойлашган “Деҳқон бозор” ҳудудида озик-овқатдан заҳарланганининг олдини олиш мақсадида профилактик суҳбатлар олиб борилди. Бозор ҳудудида қўлбола анор шарбати чиқариш учун мўлжалланган ускуна, анор шарбатлари ва 7 кг. лағмон ҳамда 5 литрдан иборат консерва маҳсулотли белгиланган тартибда олиниб, брокераж қилинди. Тадбиркорлар ўртасида овқатдан заҳарланганининг олдини олиш юзасидан тушунтириш ишлари олиб борилди.

С.САИДУРДОВ, С.САИДУРДОВ, Сергели тумани ФВБ НТБ бошлиғи, капитан.

Эълон

“SQB Insurance” суғурта компанияси акциядорлик жамиятининг А4 форматдаги 0085142, 081655 серияли полис, Транспорт воситалари эгаларининг фуқаролик жавобгарлигини мажбурий суғурта қилиш бўйича ҳайдовчилар сонини чекланган PSL 0031719 серияли полис бланкалари йўқолганлиги сабабли юридик кучини йўқотганлиги маълум қилинади.



## СИЗНИ СОҒИНДИМ, УСТОЗ!

**Салқин сахарларда, бодом гулида,  
Бунафша лабида, ерларда баҳор.  
Куйларнинг парвози, елларнинг нози,  
Баҳмал водийларда, қирларда баҳор...**

Бугун юртимизда баҳор нафаси кезмоқда. Баҳор янгилашиш фасли сифатида ижодкорга илҳом беради. Қолаверса, баҳор деганда устоз шоира, Зулфияхоним сиймоси кўз олдимизга келади. Зеро, унинг номи, ижоди баҳор билан ҳамма ҳамма бағрикандар.

Сизни соғиндим, устоз! Нечун соғинмайин?! Ахир, сиз билан бўлган суҳбатлар, маслаҳатларингиз қалбимнинг туб-тубига сингиб кетган. Баҳорнинг илк кунда яна сизни эсламан. Юрагимнинг туб-тубидан нидо келади, сўзларим титроқ, қалбим йиғламоқда. Сиз менинг ҳар калима сўзимда, ҳаёлимда, хотирамда яшайсиз.

Қўлимга илк қалам олган кезларим, ўқитувчим, шоир ва драматург Низом Умарий раҳнамолик қилган бўлса, аслида менинг туйғуларим, дебодасида сиз турар эдингиз, ижодимга илҳом берган аслида сиз эдингиз. Бу туйғу оддий туйғу эмас, илоҳий эди. Сизга ҳавас қилган кезларим... Сизга ўхшашга интилганим... Буларни бугун, баҳорнинг илк кунда, сиз таваллуд топган кунда хотирамдан такрор-такрор ўтказаман.

Ҳаммаси кечагидай ёдимда. Болалигимда радиодан мунис овозингизни эшитиб қолсам, бутун вужудимга титроқ кирар эди. Ҳаёл мени сизнинг шеърини оламингизга етаклар, ундан қониб-қониб баҳра олишга ва шеърини чама-нингиздан гўзал гулларни теришга ундарди.

Сизнинг боғингизда гуллар кўп, чечаклар кўп. Бу гуллар ўзига шундай сеҳрлаб оладики, бу гулшандан чиқиб кетгингиз келмайди.

Сизнинг ва сиз ҳақингиздаги китобларни қайта-қайта ўқийман, бирор, сафарга боргудай бўлсам, ҳаммаша китобларингиз менга ҳамроҳдир. Мен китобларингиздан нур оламан, куч оламан. Китобларингизни ўқиб, туйғуларим тиниклашади, ижодий юксаламан.

Мана, бугун ҳар йилдагидек, баҳорни илк кунини, сизнинг таваллуд кунингизни нишонлаш насиб этди. Сиз нафақат баҳор, балки эзулик, хайрли ишлар тимсолига айланган ўзбекистон улғу шоирасисиз. Юртимизда сизнинг номингизда Давлат мукофоти таъсис этилди. Қандай яхши. Сизнинг номингизнинг ўзиёқ юзлаб ўзбек шоира қизларини, минглаб иқтидорларни кашф қилляпти. Буларни кўрган кўзлар нечун қувонмасин...

Бугун қалбим жуда тўлқинланиб кетди. Бунинг изоҳига сўз топилмади қўйналмаман, туйғулар мени ҳар қўйга соляпти. Устоз! Андижонлик шоирларнинг ҳаммаси сизни яхши кўради. Сиз уларнинг барчасига ижод бўстониға йўл очиб берган улғу устозсиз.

**Тоғ ортига ўтиб кетди кун,  
Секин чўкди тоза, салқин тун...  
Мен дераза очганим чорбоғ,  
Сокин ухлар тун кўрпасида.  
Майин қўшиқ ёйлар ҳар ён,  
Эсиб ўтган ел шарпасида.**

Ҳа, табиат тасвири сизнинг шеърларингизга шундай боғланиб кетганки, бунга ҳавас қиламан ва ўзим ҳам ўша сеҳр оғушида қоламан.

Дарвоқе, сизнинг Хулқар опам билан бирга тушган суратингиз ёзув столимга файз бериб туради. Бу суратга кунда бир неча бор нигоҳ ташлайман. "Мунисим, Хулқарини", деганингизда сиз қанчалар ҳақ эдингиз. Назаримда Хулқар опамга, барча ўзбек шоирларига мунисликни аслида сиз бергансиз.

**Қанча севар эдинг, бағрим, баҳорни,  
Ўрик гулларининг эдинг мафтун.  
Ҳар уйғонган куртак ҳаёт берган каби  
Кўзларингизга суртиб ўпардинг уни.**

Устоз, сиз ҳар бир асарингизда дўстликнинг буюк қудратини, ҳаёт ва тинчликни, айниқса, баҳорнинг гўзал ҳамда бетакрор манзарасини ташбиҳлар билан қалбдан куйладингиз. Сиз халқимиз қалбида баҳор ва шодлик, ҳаёт ва тинчлик куйчиси бўлиб абадий яшайверасиз. Сизнинг номингиз муҳаббат ва садоқат тимсоли бўлиб мангу қолгусидир.

**Мунаввара ТИЛЛАБОВЕВА,  
шоира, Ўзбекистон Ёзувчилар уюшмаси аъзоси.  
ЎзА.**

**Мамлакатимиз ҳудудида узоқ йиллар давомида турли тиллар истеъмолда бўлганлиги боис, баъзи бир атамаларнинг нимани англатиши тарихчиларга қийинчилик туғдирмоқда. Масалан, "Бухоро" атамаси. Баъзи тарихчи олимларнинг фикрича, бу сўз "Тангри жомоли", "Билимчилар шаҳри", "Нур таратуви шаҳар" каби маъноларни англатар экан. Аммо тарихий манбалар титкилаб ўрганилса, унинг бошқача талқинлари ҳам бордек туюлмоқда.**

Тарихий манбаларда "БАРХАЙРА" деган қўшма сўз бўлган. "БАР" дегани барида, бўйида, ёқасида, ёнида деган маънони англатади. "Хай" дегани хитой тилида денгиз, сув деган маъноларни англатади. "РА" эса сўғдийчада гўзал шаҳар, катта рабоб ёки қуёш юрти, деган маъноларни англатади. Шундай қилиб, аниқлик киритсак, "Бухоро" сўзи "БАР-ХАЙ-РА" қўшма сўзлари бирикмаси бўлиб, Бухоро тарзида айтилиб, талаффуз қилиниб келган бўлиши мумкин. У "Денгиз бўйидаги" ёки "Сув бўйидаги шаҳар" деган маънони англатади. Қизиғи шундаки, буни асословчи мисоллар ҳам кўзга ташланмоқда. Масалан, Пойкент шаҳрининг қадимги номи "ШАҲРИХАЙБАР" бўлган (*қорақўллик таниқли шоир Тилак Жўра ўзининг 1990 йилда ёзилган "Рухият" китобида "Шаҳрихайбар" тўғрисида шеър ёзган*). Бу ерда ҳам "ШАҲРИ-ХАЙ-БАР" – сўзлари бирикмаси "Денгиз бўйидаги шаҳар" деган маънони англатади. Яна бир мисол: хитойликлар қадим Пойкентни ва Бухорони "БИ" ва "Бу" деб атаганлар. Шундан келиб чиқиб, "Бухоро" сўзи "Бу-хай-ра" тарзида бўлган бўлиши ҳам ҳақиқатлик даъвосини қила олади. Яна бир мисол: араб савдогарларида "Момолик ут-Висолик" – "Йўллар ва шаҳарлар" деган харита, китоблари бўлган. Улар сув бўйидаги бу катта қишлоқни (Қутайба ибн Муслим бостириб кирганида Бухоро катта қишлоқ деб аталган) ёқтириб қолганлар ва ўзларининг кўпгина китобларида "Бухоро" ёки "Бахайра" тарзида ёзиб қолдирганлар. Бугунги кунда ҳам сув бўйидаги баъзи бир шаҳарларни арабистонда Бахайра деб атайдилар.

Шофиркон туманида "Хўжа Ориф Ревгарий" зиёратгоҳи бор. "Ревгарий" деган сўзни маҳаллий зиёлилар аслида "РЕГГАРИЙ" деб айтади, дейдилар ва



## "БУХОРО" АТАМАСИ НИМАНИ АНГЛАТАДИ?

у "Катта қум тепа" деган маънони англатади, демоқдалар. "Ревгарий" сўзи аслида "Регбарий" тарзида бўлиб "Қум тепа ёнидаги қишлоқ" деган маънони ёки "Қум тепа ёнидаги қишлоқлик" деган маънони англатади. Яна Бухоро, Пойкент атамалари мавзусига қайтаемиз. Ҳақиқатдан ҳам Бухоро ва Пойкент шаҳарлари сув бўйида жойлашган бўлган. Бухоро шаҳри Санжом кўли бўйида жойлашган, Пойкент шаҳри эса Қорақўл кўли бўйида жойлашган. Икки кўл ўзаро бирлашиб турган. "Қорақўл" дегани катта кўл дегани. Каминанинг "Кўҳна Пойкент қиссаси" номли ўзбек, инглиз, рус тилларида чоп этилган китобида бу тўғрида изоҳ ёзилган. Наршахийнинг "Бухоро тарихи" китобида шундай дейилган: "Пойкандликлар ҳаммалари савдогар бўлганлар. Улар денгиз орқали бориш мумкин бўлган барча давлатлар билан савдо алоқаларини қилар эдилар". "Пойкент" аввал "Байкент" тарзида бўлган. Термизийнинг "Байкентда яшаб ўтган Байкандийлар" деган ибораси бор. Унда у 17 та Байкандий ҳақида маълумот берган. "Байкент" – "Савдогарлар шаҳри".

Араблар уни тўғридан-тўғри "Мадинат бутужжор" деб атаганлар. Тарихнинг яна бир жумбоғига эътибор қаратайлик: "АФ", "АВ", "ЭВ" каби қисқа сўзлар "Қалъа", "Сарой", "Кўрғон" деган маънони англатган. Масалан, "Афғон", "Авғон", "Афхон" сўзлари бир хил маънони – "Хон қалъаси", "Хон саройи", "Хон кўрғони" каби маъноларни англатади. Юртимизда ҳам АФ, АВ ёки ЭВ билан бошланадиган 20 дан ортиқ қалъа номлари бор. Масалан, Бухоро вилоятининг Пешку, Ромитан, Шофиркон туманлари ҳудудларида "Авзале", "Авдоне" деган қалъалар бор. Авдоне сўзининг маъноси "Кичик қалъа" ёки "олтидан бир марта кичик қалъа" деган маънони англатади. Дарҳақиқат, доне сўзи туркийда олтидан бир деган маънони англатади. Демакки, Авдоне қалъаси кўшни Авзале қалъасига қиёслаб номланган, ундан олтидан бир марта кичиклиги айтиб ўтилган. Энди Афсона сўзига назар солайлик. Афсона аслида "Афшина" тарзида бўлган. Афшина дегани Шиналар кўрғони дегани. Бундай атама Бухоро туманида ҳам мавжуд. Қадимда Шина деган саркарда

**"Буни тарих дейдилар. У кеча ва минг-минглаб йиллар воқеъликларига гувоҳлик беради. Уларни топмоқ, очмоқ ва авайлаб ҳақиқат тоғига илиб қўймоқ керак".**

**Юсуф РЎЗИ БАЙКАНДИЙ**

ийигит бўлгани, унинг Бухорога ҳужум қилгани, даштиқларга қарши тургани ҳақида тарихдан маълум. Юзга яқин жангчиси бўлган Шина хитойликлар билан қаттиқ тўқнашади ва қўшини катта талафот кўради. Аксар ярадорлардан иборат бўлган Шина қўшини 2-3 гуруҳга бўлиниб, тарқалиб кетади ва ҳар бир гуруҳ ҳар жойда манзил тутади. Вақтлар ўтиб, улар катта қишлоқлар ҳосил қиладилар. Улар кўрган кўрғонларини "Авшина" деб атаганлар. Кейинги вақтларда бу атама "Афсона" тарзида айтилиб келинмоқда. Қалъалар ёнида жойлашган уйлар, хонадонларни "Авён" деб атаганлар. Бу Кўрғон ёнидаги, деган маънони англатади. Бундай номла-нишлар юртимизда мавжуд. "Айвон" сўзи ҳам шу атамага боғлиқ.

**Юсуф РЎЗИ БАЙКАНДИЙ,  
тарихшунос олим.**

### САМАРҚАНД ВИЛОЯТИ

## ЭЛ АРДОҒИДАГИ ОТАХОНЛАР

Яқинда Булунғур туманида бўлиб ўтган "Оталар чойхонаси" тадбири шундай номланди

Юртимизда кексаларни қадрлаш, қўллаб-қувватлаш, уларга меҳр-оқибат кўрсатиш каби халқимизга хос юксак инсоний фазилатлар кейинги йилларда давлат сиёсати даражасига кўтарилганлиги айни ҳақиқатдир.

Айниқса, ҳар оининг илк ҳафта-асида "Кексаларни эъзозлаш, уларга хурмат-эҳтиром кўрсатиш халқимизга хос эзу фазилат" ғояси остида мамлакатимизнинг барча ҳудудларида, маҳаллаларида "Кексалар ҳафталиги"ни ўтказиб

учрашувлар тез-тез ўтказиб турилади. Бундан ташқари, туманда нафақахўрлар, ёлғиз кексалар ва ногиронларни ижтимоий жиҳатдан муҳофаза қилиш ишларини янада такомиллаштиришга ҳам катта эътибор қаратиляпти. Яқинда туман



бориш яхши анъана тусига кириб, ҳафталик доирасида кексалар ҳаёти ҳамда фаолияти билан боғлиқ турли хил маънавий-маърифий, кўнгилочар тадбирлар, кўрик танловлар, спорт мусобақаларининг мунтазам равишда ўтказилаётгани ҳам қўриқадиги фикрларимизнинг ёрқин исботидир. Бундай кенг қўламли тадбирларни ўз вақтида, уюшқоқлик билан ўтказиш, қолаверса, кекса отахон ва онахонларимизнинг мароқли дам олишлари учун Булунғур тумани марказидаги "Нуронийлар" масканида ҳам барча шарт-шароитлар муҳайё этилган. Дам олиш хоналари, шахмат-шашка тўғарага, спорт тренажёрлари, тўғробо, у ердаги турли хил рўзномалар тахтамлари, журналлар дейсизми барчаси уларнинг хизматида. Масканида миллий ва умумхалқ байрамларимиз муносабати билан ҳам турли хил тадбирлар,

ҳокимлиги, туман "Нуронийлар" жамоатчилик кенгаши томонидан туманда умргузронлик қилаётган нуронийлар ҳаётини, бу борада олиб борилаётган кенг қўламли ибратли ишларни янада кенгроқ ёритиш мақсадида "Шоҳсарой" шодиёналар базмида "Маҳалла" телеканали "Оталар чойхонаси" кўрсатуви ижодкорлари билан ҳамкорликда қизиқарли тадбир ташкил этилди. Эрта тонгдан баралла янграган карнай-сурнай садолари ушбу тадбирга тақдир этилган юз нафардан ортиқ нуронийларни, туман фаолларини базмига чорлади. Шу тариқа "Оталар чойхонаси" кўрсатувининг навбатдаги сони байрамона тарзда бошланди. Мусиқа садолари остида даврага кўрсатув бошловчиси Мамиржон Абдиев кириб келди. Телебошловчи хушайфиятда бошланган тадбир иштирокчиларига "Оталар



чойхонаси" ижодий жамоаси номидан экан, ушбу кўрсатувининг тобора оммалашиб бораётганлигини алоҳида таъкидлаб ўтди. Шу билан бирга унда жойларда нуронийларга кўрсатилаётган ғамхўрликлар, яратиб берилаётган шарт-шароитлар, ўз навбатида пиру бадавлатларимизнинг жамият ҳаётида тутган ўринлари кенг акс эттириляётганлигини мамнуният билан қайд этди. Шундан сўнг бошловчи сўз навбатини туман ҳокими Самандар Астоновга берди. Ҳоким туманда барча соҳаларда амалга оширилаётган кенг қўламли ишлар, нуронийларга кўрсатилаётган ғамхўрликлар ҳақида гапириб ўтди. Тадбирнинг бадий қисмида туман маданият уйи қошидаги "Ёшлик" ашула ва рақс ансамбли раҳбари Бахтиёр Донёров, хушвоз хонанда, мумтоз қўшиқлар ижро-чиси Уктам Эгамқулов, 80 ёшли отахон Суюн Норбеков томонидан мароқ билан ижро этилган бахши шоир Фозил Йўлдош ўлининг кўшиқлари, термалар, шунингдек, "Чавқи" фольклор-этнографик ансамбли жамоасининг чиқишлари, яъни улар томонидан куйланган бир қорсоқ, беш қорсоқ, тўққиз қорсоқ ўйинлари, халқ қўшиқлари, лапарлари айниқса, барчага манзур бўлди. Тадбир давомида

9-сон мусиқа ва санъат мактаби ўқитувчиси, 1-даражали "Меҳнат фахрийси" кўрак нишон соҳиб, 72 ёшли отахон Соатмурод Норमतов томонидан ташкил этилган "Муножаат издошлари" ансамбли солистлари томонидан ижро этилган терма ва лапарлар ҳам тадбир иштирокчиларида катта таассурот қолдирди. Таниқли шоир Рустам Бердалиевнинг Булунғур тумани ҳақида ёд ўқиган шеърлари ҳам барчага манзур бўлди.

Шунингдек, тадбир давомида сўзга чиққан туман "Нуронийлар" жамоатчилик кенгаши аъзолари туман тарихи, унинг ўзига хос ғамроий табиати – калорити, нуронийларга кўрсатилаётган ғамхўрликлар, миришкор деҳқонлар томонидан амалга оширилаётган улғувор ишлар, "Ҳар бир нуроний – ўн нафар ёшга мураббий" тамойили борасида тобора кенг

тус олаётган ибратли тажрибалар, устоз-шоғирд анъаналари, шунингдек, тумандан етишиб чиққан машхур кишилар ҳақида гапириб беришди.

– Туманимизда 15 мингга яқин нуроний истиқомат қилади, – дейди туман Маҳалла ва нуронийларни қўллаб-қувватлаш бўлимининг Нуронийлар бўйича маслаҳатчиси, туман "Нуронийлар" жамоатчилик Кенгаши раиси Очил Аҳмедов. – Нуроний отахон ва онахонларимизнинг ҳамда ёлғиз кексаларнинг янада мазмунли ҳаёт кечиришларига ва дам олишларига алоҳида эътибор қаратиб келяпмиз. Утган йили 50 нафарга яқин ана шундай кексаларимиз соғлиқларини тиклашлари учун сихатгоҳларда дам олиб келишди. Мустанкиликнинг 31 йиллиги байрами муносабати билан барча маҳаллаларда нуронийларимизга ҳомийлар томонидан хайр-эхсонлар тарқатилди. Гулзор маҳалласидаги кам таъминланган бир оилга янги уй-жой қуриб берилди. Куз-киш мавсумига тайёргарлик бўйича 8 минг тонна кўмир кам таъминланган оилалар уйларига етказиб берилди.

"Оталар чойхонаси" тадбири сўнгида фаол нуронийларнинг бир гуруҳи ҳамда ташкилотчилар туман ҳокимлиги ҳамда туман "Нуронийлар" жамоатчилик Кенгашининг эсдалик совғалари билан тақдирланди.

**Холбой ҚОСИМОВ,  
адиб.**

**Раббим ҲОТАМОВ  
олган суратлар.**



### Qishloq hayoti

**МУАССИСЛАР:**  
Ўзбекистон Республикаси Вазирлар Маъжаси комплекс тарихийдаги ҳамда бошқа дахлдор вазирлик ва идоралар.

**Бош муҳаррир: Чори ЛАТИПОВ**

### Тахрир ҳайъати:

Шавкат ҲАМРОЕВ, Азиз ВОИТОВ,  
Муҳаммадҷон ТОШБОЛАЕВ,  
Ақтам ҲАЙТОВ, Маҳмуд ТОИР,  
Ҳабиб ТЕМИРОВ (бош муҳаррир ўринбосари),  
Раимқул СУЯРОВ (бош муҳаррир ўринбосари).

Саҳифаловчи-дизайнер: Маркс ЮСУПОВ

Ўзбекистон Матбуот ва ахборот агентлиги томонидан  
2009 йил 13 февралда № 0020-рақам билан рўйхатдан ўтказилган.  
Ҳажми 2 босма табоқ, Офсет усулида босилди, қоғоз бичими А-2.  
НАШР ИНДЕКСИ – 144.  
Бюролма Г-340. 2618 нусхада чоп этилди.

Газета "Шарқ" нашриёт-матбаа акциядорлик компанияси босмаҳонасида босилди. Манзили: "Буюк Турон" кўчаси, 41-уй. 1 2 3 4 5 6

Манзиллими: 100000, Тошкент, Матбуотчилар кўчаси, 32-уй.  
Телефонлар: Қабулхона – (0-371) 236-26-50, 233-09-93,  
95-080-43-70, 99-050-69-45.  
Реклама ва эълонлар – (0-371) 236-26-50, (0-371) 233-28-04.  
e-mail: infoqishloqhayoti@mail.ru Баҳоиси келишилган нарҳда.

ISSN 2010-7021



Босишга топшириш вақти: 21.00  
Босишга топширилди: 18.00